

Peqqinnissaqarfiup immikkoortuini pinngitsaaliisummik iliuuseqarnernik nalunaarsuiviit nalunaarsukkallu, pinngitsaaliilluni iliuutsinik nalunaarsuineq nalunaarutiginninneq kiisalu angerlartitsinerup kingorna malinnaanerit pillugit, Namminersorlutik Oqartussat nalunaarutaat

Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut Inatsisaanni nr. 11, 12. juni 2019-imeersumi § 16, imm. 2, § 17, imm. 2, kiisalu § 33, imm. 2, naapertorlugit aalajangersarneqarput:

Kapitali 1

Pinngitsaaliisummik iliuuseqarnernik nalunaarsuiviit nalunaarsukkallu

§ 1. Peqqinnissaqarfiup immikkoortuini tarnimikkut nappaatillit uninnganerannut katsorsartinnerannullu atatillugu nammineersinnaajunnaarsitsiviusinnaasuni allatullu pinngitsaaliisummik iliuuseqarfiusinnaasuni, pinngitsaaliisummik iliuuseqarnernut nalunaarsuveqassaaq.

Imm. 2. Pinngitsaaliisummik iliuuseqarnernik nalunaarsuivimmi naammagittaalliorssinnaaneq pillugu ilitsersuisoqarsimanersoq, napparsimasunut siunnersortimik aggersaasoqarsimanersoq aamma qanga pisimanersoq allanneqassaaq.

§ 2. Pinngitsaaliisummik unitsitsisoqarnerani pinngitsaaliisummillu tigummigallagassanngortitsinermi pinngitsaaliisummik iliuuseqarnernut nalunaarsuiffimmuit ilanngunneqassapput:

- 1) Napparsimasup aqqa inuttullu normua.
- 2) Nammineersinnaajunnaarsitsinerup aallartinnerani ullua piffissarlu aamma tamatuma unitsinneqarnerani ulloq piffissarlu.
- 3) Nammineersinnaajunnaarsitsinermut tunngavilersuutaasoq.
- 4) Nakorsap nammineersinnaajunnaarsitsinermi akisussaasuuusup aqqa.
- 5) Nammineersinnaajunnaarsitaanerup kingorna ulla pingasut, qulit, 20-t, 30-lu qaangiunnerini, nammineersinnaajunnaarsitaanerlu atuutsillugu, tamatuma kingorna sivikinnerpaamik sap. ak. sisamakkuutaarlugit naliliivigineqarnerata kingunera.
- 6) Nakorsaanerup naliliisup aqqa.

§ 3. Utertitsinermi pinngitsaaliisummik iliuuseqarnernut nalunaarsuiffimmuit ilanngunneqassapput:

- 1) Napparsimasup aqqa inuttullu normua.
- 2) Ulloq piffissarlu politiit ikiortigalugit napparsimasup utertinneqarnissaanik aalajangerneq.
- 3) Nakorsaanerup aalajangiisup aqqa.

§ 4. Pinngitsaaliisummik katsorsaanermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliilluni katsorsaanerup ullua piffissarlu.
- 3) Katsorsaanerup suunera annertussusialu.
- 4) Pinngitsaaliisummik katsorsaanermut tunngavilersuutit.
- 5) Nakorsap nakorsaasiisup aqqa.
- 6) Nakorsap najuuttup aqqa.

§ 5. Angerlartitaareernermermi pinngitsaaliisummik malittarineqarnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Ulloq angerlartitaaffik.
- 3) Ulloq angerlartitaareernermermi pinngitsaaliisummik malittarininnissamik aalajangiivik.
- 4) Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 19, imm. 6 naapertorlugu napparsimmavimmit angerlartitsinerup kingorna pinngitsaaliisummik malinnaanerup sivitsorneqarnissaa pillugu aalajangiinerup ullua piffissarlu.
- 5) Katsorsaanerup suunera annertussusaalu.
- 6) Angerlartitaareernermermi pinngitsaaliisummik malittarininnissamut tunngavilersuut.
- 7) Nakorsaanerup inassuteqartuousup aqqa.
- 8) Ulloq atorunnaarsitsiffik.

Imm. 2. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 19, imm. 3 naapertorlugu napparsimasumik aallernissaq nakorsaanerup aalajangerpagu pinngitsaaliilluni iliuuseqarnernut nalunaarsuiffimmut ilanngunneqassapput:

- 1) Ulloq nakorsaanerup napparsimasumik aallernissamik aalajangiivia.
- 2) Nakorsap nakorsaasiisup aqqa.
- 3) Ulloq politiit ikiortigalugit unitsitaanermi, peqqinnissaqarfip immikkoortortaqarfia pinngitsaaliisummik nakorsaatitortinneqarfik.
- 4) Peqqinnissakkut sullisisup najuuttup aqqa.

§ 6. Pinngitsaaliisummik aalaakkiinermi pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik iliuuseqarnerup suunera annertussusaalu.
- 3) Pinngitsaaliisummik iliuuseqarnermut tunngavilersuut.
- 4) Ulloq aamma piffissaq pinngitsaaliisummik iliuuseqarfik taamaatitsivilu.

- 5) Nakorsap inassuteqartuusup aqqa.
- 6) Sulisut akuusut aqqi.
- 7) Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 34, imm. 5 naapertorlugu nakorsap nutaamik nalilersuinerata ullua piffissarlu.
- 8) Tarnimikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarneq pillugu Inatsisartut inatsisaanni § 34, imm. 5 naapertorlugu nakorsap nutaamik nalilersuisup aqqa.

§ 7. Nukersorfiginninnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik iliuuseqarnerup suunera annertussusaalu.
- 3) Pinngitsaaliisummik iliuuseqarnermut tunngavilersuutit, tassunga ilangullugit sulisut akuusut tunngavilersuutaat.
- 4) Ulloq aamma piffissaq pinngitsaaliisummik iliuuseqarfik taamaatitsivillu.
- 5) Nakorsap nakorsaasiisup/najuuttup aqqa.
- 6) Sulisut akuusut aqqi.

§ 8. Napparsimasoq illersorniarlugu pinngitsaaliisummik aalaakkiinermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Napparsimasoq illersorniarlugu aalaakkiinerup qanoq ittuunera.
- 3) Napparsimasoq illersorniarlugu aalaakkiinermut tunngavilersuut.
- 4) Napparsimasoq illersorniarlugu aalaakkiinerup atorneqarsinnaaffia.
- 5) Nakorsap inassuteqartuusup aqqa.
- 6) Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 34, imm. 4 naapertorlugu napparsimasoq illersorniarlugu aalaakkiineq atuutsillugu inassuteqarnerup ulluni pingasuni, qulini, 20-ni aamma 30-ni nangeqqinneqarnerani angusanik nalilersuinerup kingorna tamatuma nangeqqinneqarnissaa pillugu aalajangiisoqassaaq tamatumalu kingorna ikinnerpaamik sapaatit akunnerit sisamakkuutaarlugit.

§ 9. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 27 naapertorlugu nal. ak. 24-t sinnerlugit immikkut nakkutilliinermi pinngitsaaliilluni iliuuseqarnernut allattuiffimmut makku ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik immikkut nakkutilliisitsinissamut tunngavilersuut.
- 3) Ulloq piffissarlu pinngitsaaliisummik nakkutilliilerfik taamaatitsivillu.
- 4) Nakorsap nakorsaasiisup aqqa.

§ 10. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 29 naapertorlugu immikkoortortat immikkut

parnaarneqarsinnaasut ilanngullugit matunik parnaarsuinerni, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup immikkoortortami parnaarsorsorsimasumiittup aqqa inuttullu normua.
- 2) Matunik parnaarsuinernut tunngavilersuut.
- 3) Ulloq piffissarlu matunik parnaarsiffik tamatuminngalu atorunnaarsitsiffik.
- 4) Nakorsap nakorsaasiisup aqqa.

§ 11. Pinngitsaaliisummik iliuuseqarnernut nalunaarsuiffimmut ilanngussat allattugaatinini nalunaarsugassaatitaapput.

Imm. 2. Pinngitsaaliisummik iliuuseqarnernut nalunaarsuiffinnik suliaqarnermi, pinngitsaaliisummik iliuuseqarnermut nalunaarsuiffimmi allagaqaatip ilanngunneqarnissaa innersuussutigineqassaaq. Pinngitsaaliisummik iliuuseqarnermut nalunaarsukkat assilineqarnerat allattugaatinut ilanngunneqassapput.

§ 12. Napparsimasoq pinngitsaaliisummik iliuuseqarnernut nalunaarsuvinni namminermut tunngasunik paasinianissamut pisinnaatitaaffeqarpoq.

Imm. 2. Napparsimasumut siunnersortissangortitaasimasoq imm. 1-im i taaneqartumut tunngatillugu taamatulli pisinnaatitaaffeqarpoq.

Kapitali 2

Angerlartitaanermut atatillugu isumaqtigiissutit ataqtigiissaarinermullu pilersaarutit nalunaarsorneqarnerat

§ 13. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 16 naapertorlugu angerlartitsinissamik isumaqtigiissusiortoqartillugu nalunaarsorneqassapput:

- 1) Napparsimasup aqqa inuttullu normua.
- 2) Ulloq unitsitaaffik angerlartitaaffillu.
- 3) Angerlartitaanermut atatillugu ulloq isumaqtigiissutip atuutilersinneqarfia atorunnaarsinneqarfialu.
- 4) Nakorsap nakorsaasiisup aqqa.

§ 14. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut inatsisaanni § 17 naapertorlugu ataqtigiissaakkamik pilersaarusrnermi makku nalunaarsorneqassapput:

- 1) Napparsimasup aqqa inuttullu normua.
- 2) Ulloq unitsitaaffik angerlartitaaffillu.
- 3) Ulloq ataqtigiissaakkamik pilersaarusiap pilersinneqarfia.
- 4) Nakorsap nakorsaasiisup aqqa.

§ 15. Angerlartitaanermi isumaqtigiissutinik ataqtigiissaakkamillu pilersaarutinik nalunaarsuinermi, napparsimasoq pillugu allattugaatinini taama nalunaarsuisimaneq innersuussutigineqassaaq. Nalunaarsukkat assilineri allattugaatinut ilanngunneqassapput.

Imm. 2. Napparsimasumut tunngatillugu nalunaarsukkanik paasiniaanissaq napparsimasup pisinnaatitaaffigaa.

Kapitali 3
Nalunaarutiginninneq

§ 16. Dronning Ingridip Napparsimmavissuani tarnimikkut nappaatilinnut immikkoortortaqarfimmi nakorsaaneq iliuuserisanik §§ 2-10-mi , §§ 13-14-imilu pineqartunik, Nunatsinni Nakorsaaneqarfimmut nalunaaruteqartassaaq.

Imm. 2. Taamatuttaaq Peqqinnissamut Aqutsisoqarfimmut nalunaarutiginnittooqassaaq.

Imm. 3. Imm. 1 aamma 2-mi nalunaarut, §§ 2-10-mi aamma §§ 13-14-imilu paassisutissanik piumasaqaatigineqartunik imaqassaaq.

Kapitali 4
Atuutilersitsinermut atorunnaarsitsinermullu aalajangersakkat

§ 17. Nalunaarut 26. april 2024-mi atuutilerpoq.

Imm. 2. Tamanna ilutigalugu Peqqinnissaqarfup immikkoortuini pinngitsaaliisummik iliuuseqarnernik nalunaarsuiviit nalunaarsukkallu, pinngitsaaliilluni iliuutsinik nalunaarsuineq nalunaarutiginninneq kiisalu angerlartitsinerup kingorna malinnaanerit pillugit, Namminersorlutik Oqartussat nalunaarutaat nr. 18, 2. december 2013-imeersoq atorunnaarsinnejarpooq.

Namminersorlutik Oqartussat, ulloq 23. april 2024

Agathe Fontain (atsior.)
Peqqissutsimut Naalakkersuisoq

/ Nike Berthelsen (atsior.)

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut